

Bay Risuasis Nanminilgit – 2004-2005 Havaikhaqhiuqtunut Hulinii Nainaqhimayut

Havikhait piquaqnii pihimayut pilaqniqaqtauqpiiaqniinik mannagutikhanik tapkuatlu nakuuhivaligutikhainik tapkuat inuit Nunavutmi tahapkununga tamatkiknut angigutigiyainut atuttialaqlikhainut tapkuat havikhaqhiuqtut nanminilgit. Bay Risuasis Nanminilgit tigumiaqtut taty 29 nalvaqviuniinik katitlugit 71,693.5 aikurs talvani Committee Bay Qimingani tahamani Kivataani Kitikmeot nunaliit aviktuqhimaniani tahamani qitikmiuni Nunavutmi. Tahapkuat piyauhimayut titigaqhimayut Aktuupa 16, 2002.

Bay upalungaiyaqtuq pinahuaqniinik \$2 milian havikhaqhiuqniqmun havakhanik tapkunani 12 havaguhiqui pigiaqlugu Juni talvunga Aagasi 2004-mi huli havatqikhaqlutik 2005-mi. Una piniaq Bay Risuasis hivuliqpaaq havikhaqhiuqniqmun havakhaa tapkunani nunani. Piniaq tikitlugit 12 talvunga 15 inuit havaklutik havaktauyumi tapkunani Juni tamnalu Juli (uyagaligiyit, hiniktaqviki maniyauyuq, kukialuk, halikapta tingmialia) tapkuatlu 16 talvunga 20 inuit Aagasimi (piqatigilugit ikuutaqtit). Tamna hiniktaqvik talvaniitniaq inikhaa qikiqtami talvani Walker Tahiq.

Tamna havaktauyuuq pinahuaqtuq guulinik havikhaqhiuqniqmik, pigaluaqtitlugu tahamna nunaa piqualaqniinik naptuyunik hikuliaqpaluktunik, nikul, kaapa tapkuatlu ahii havikhaqniit. Naunaiyainiq, nalvaqhiuqniq, nunaulyaliuqniq tapkuatlu maniqami uyagaliginiq (nipitqaqtautiliknut qinigitiit tapkuatlu EM) piyauniat tapkunani Juni tamnalu Juli. Mikhani 2000 mitat ikuutagakhata upalungaiyautayut Aagsimun. Qanguqtitaunii tapkuat nunat, nauhimayut, iqaluit tapkuatlu angutikhat mikhihimanahuaqniat atuqtitlugit tapkuat havaktauyut.

Tamna havakviuyuq nuna ilalik tapkuninga NTS (Kanatamiut Nunap Qanganik Havagutit) nunauyat 56K, 56J, tamnalu 56O. Bay Risuasis pihimayai nunat inilgit 245 talvungalu 365 kilamitat kitaata kivataani taphuma nunaliuyut Baker Lake (Qamani'tuaq), uvaluniit 210 talvunga 320 kilamitat uataani talvunga kangiata uataani taphuma nunaliuyut Repulse Bay (Naujat). Tamna nunaliuyut Kagaaruk (taiyauvakhimayuuq Pelly Bay) ungahiknilik 190 talvunga 305 kilamitat kitaata kivataani tapkuat piyauhimayut nunat. Sila Pulaagaqvik, inillik talvani Wager Bay mikhaniittuuq 150 kilamitat kangiata kivataani taphuma Laughland Tahiq nunaani.

Tapkunani Bay Risuasis-kut 29 havikhait pihimayaini, kihimiuyuk 2 “Goose” pihimayat (9001 tamnalu 9002) ilanganik nunamiittut Inuinait Nanminii Nunat (IOL) tahamani Kitikmeot Nunap Piyauhimaniini Nunani. Nunap qangita tapkuat piyungnautai Inuinait Nanminii Nunat aulatauyut tapkunangat Kitikmeot Inuit Katutyiqatigiit (KIA). Tapkuat ilangi nunat piyauhimayut kavamatuatkut nunaqutai. Maniqami uyagaliginiqmun uvaluniit ikuutaqniqmun piyaulaittut tapkunani nunani ilagiyainut tapkuat havaktauyut.

Bay Risuasis-kut pinahuaqpiiaqtut aulattiniqmik uqaqatigikhutik tapkuatlu havaqatigiplugit tamaita piqatauyut tigumiaqtut, ilautitlugit nunalikni nunaliuyut, tamaita aulattiyit kavamatkutni timiuyut tapkuatlu Inuit Katutyiqatigiit.

4075251 Canada Inc. tapkuat Kanatamiuni ilagiyauyuq tapkununga Bay Risuasis Nanminilgit
PO Box 6315, St Kilda Road, Central Melbourne, Victoria 8008, Australia.

bay@axisc.com.au